

ESTATUTOS DEL PARTÍU ASTURLANISTA

(Aprobaos pol Congresu del Partíu'l 28 de xunu de 2008)
(Incorpora les modificaciones aprobaes pol Congresu del Partíu'l 17 de payares de 2018)

PREÁMBULU: PRINCIPIOS Y OXETIVOS

El Partíu Asturianista ye un partíu democráticu, asturianista, interclasista y de progresu, que tien como oxetivos el caltenimientu dinámicu de la identidá d'Asturies; l'espoxigue material de los asturianos; l'algame de los bienes culturales apropiaos pal afitamientu d'una sociedá llibre y una opinión pública non remanada; l'afalamientu la creación artística y el so espardimientu; l'ameyoramientu la calidá de vida, faciendo compatibles l'esporporle económicu col respetu al entornu mediuambiental; la protección de los sectores sociales menos favorecíos; facer posible'l desendolque vital del individuu hasta la llende les sos capacidaes; procurar la igualdá d'oportunidaes nel accesu al trabayu; sofitar les iniciatives creadores, tantu tecnolóxicos como industriales o comerciales. Tou ello, mediante l'usu democráticu de los medios d'acción política consagraos na Constitución Española, agabitando la llibre formación d'un estáu d'opinión favorable a los postulaos del Partíu Asturianista, y gobernando dende les instituciones democrátiques d'alcuertu con ellos.

TÍTULU PRELIMINAR

I. La denominación del partíu ye la de Partíu Asturianista, afitando'l so domiciliu social en Xixón, Asturies, cai Julio, nº 3, 5º Izda, c.p. 33209.

II. Les sigles del Partíu Asturianista son: PAS.

III. El símbolu del Partíu Asturianista estará formáu poles sigles del mesmu, acompañaes o non cola so denominación, siendo les representaciones gráficas les siguientes:



IV. El sitiú web del partíu ye www.asturianista.es. La dirección de corréu electrónicu del partíu ye xesuscv@gmail.com.

V. L'ámbitu d'actuación del Partíu Asturianista ye'l Estáu español.

VI. El Partíu Asturianista declara expresamente'l so acatamientu a la Constitución Española y, en consecuencia, organízase baxo los principios de democracia interna, llibertá de concencia, llibre pensamientu y llibertá d'espresión, garantizándose la participación de tolos afiliaos na formación de la voluntá del partíu.

VII. El Partíu Asturianista constitúise ensin patrimoniu fundacional. Los sos ingresos provendrán de les

cuotes qu'abonen los afiliaos na cuantía y mou que s'estableza polos muérganos competentes según estos Estatutos, de les subvenciones públiques y de tolos otros ingresos que la llei almita como moos de financiación de los partíos políticos.

VIII. El Partíu podrá disolvese por alcuertu del so Congresu adoptáu polos 4/5 de los delegaos. El destín que se-y dea al so patrimoniu fixarálu l'alcuerdu disolución.

IX. El réximen documental y alministrativu del Partíu Asturianista sedrá l'afitáu na llexislación vixente. En particular, sedrá responsabilidad de la Secretaría Xeneral la llevantar l'llibru Rexistru d'afiliaos, el llibru d'Actes y los llibros d'Inventariu, Balance ya Ingresos y Gastos.

TÍTULU PRIMERU: DE LOS AFILIAOS

Art. 1. Puen afiliase al Partíu Asturianista tolos españoles mayores d'edá que tean nel plenu usu los sos derechos políticos, y cuyu ingresu fuere aprobáu polos muérganos competentes afitaos nestos Estatutos. Los datos personales de los afiliaos quedarán rexistraos nun ficheru que se rexirá polo dispuesto na Llei Orgánica 15/1999, de 13 de avientu, de Protección de Datos de Carácter Personal, baxu la responsabilidad de la Executiva Nacional.

Les afiliaciones producies nel mes inmediatamente anterior al de la fecha la convocatoria del Conceyu Estraordinariu pa renovar la Executiva l'Agrupación y los representantes na Xunta Nacional, y del Conceyu previstu nel art. 21 pa escoyer los delegaos al Congresu'l Partíu quedarán en suspensu del drechu d'escoyer a los muérganos de gobiernu del Partíu hasta tantu se completen dichos procesos.

Los candidatos a formar parte de la Executiva l'Agrupación, Xunta Nacional o delegaos al Congresu deberán tener una antigüedad nel Partíu superior a un añu.

Nel alcuertu de constitución de nueves agrupaciones podrá eximise o rebaxase'l requisitu d'antigüedad.

Art. 2. La peticion d'ingresu fadráse delante la Executiva l'Agrupación del conceyu residencia, que la tien d'empohinar a la Executiva Nacional pa la so aprobación definitiva; nostante, los efectos de l'aprobación retranquiaránse a la fecha la peticion.

Cuando daquién quixere afiliase n'Agrupación estremada de la del llugar de residencia, la Executiva Nacional, enantes d'aprobar l'alta, consultará coles executives de l'Agrupación del conceyu residencia y d'aquella a la que cinque la peticion. En tou casu, los enxertamientos fuera'l conceyu residencia han xustificase y han tener calter escepcional, que podrá revocase de forma xustificada pola Executiva Nacional.

Art. 3. Cualquier afiliáu podrá impugnar l'ingresu aprobáu pola Executiva mediante escritu empobináu a la mesma. Si la Executiva se reafitase na so decision, l'afiliáu retolicante podrá apelar a la Xunta Nacional al traves de la Executiva Nacional. N'ambos casos l'escritu expresará les razones de la oposicion.

La Executiva Nacional pidirá-y informe a la de l'Agrupación, que xuntu col escritu'l retolicante y l'informe de so elevarálos a la Xunta Nacional pa decidir n'alcuerdu definitivu. La impugnacion talantarase rechazada nuna y otra instancias pasaos tres meses ensin respuesta, contaos dende la fecha d'aportamientu l'escritu aniciador.

Art. 4. Son derechos de los afiliaos:

- a) Recibir informacion y formacion al respective la política del Partíu.
- b) Participar, al traviés de los calces establecios, na toma de decisiones.
- c) Escoyer, pelos procedimientos estatutarios, los muérganos de gobiernu del Partíu.
- d) Ser escoyíu como miembru de cualquiera d'ellos.
- e) Ser escoyíu pa representar al Partíu nes llistes electorales, y darreu d'ello nos cargos institucionales.
- f) Esponer llibremente les sos opiniones, tantu per escritu como oralmente, dientru los calces y muérganos del Partíu.
- g) Facer usu de los mesmos derechos nos medios de comunicacion, siempre que con ello nun incumpliera les obligaciones como militante señalaes nel articulu quintu.
- h) Ser informaos acerca de la composicion de los muérganos directivos y d'alministracion y sobre les decisiones adoptaes por éstos, sobre les actividaes realizaes y sobre la situacion económica.
- i) A impugnar los alcuerdos de los muérganos del Partíu que estimen contrarios a la llei o a los estatutos.
- j) Acudir n'amparu d'estos derechos delante la Xunta Nacional, como muérganu encargáu de la defensa de los derechos de los afiliaos.

Art. 5. Son obligaciones de los afiliaos:

- a) Abonar les cotizaciones establecies.

- b) Acostinar coles decisiones tomaes polos muérganos competentes, d'acuerdu colos procedimientos afitaos nestos Estatutos.
- c) Agabitar nes llabores del Partíu, na medida que-y fuere posible, col so trabayu y la so conocencia.
- d) Procurar, nes sos actividaes privaes, sofitar los principios y oxetivos del Partíu.
- e) Cumplir coles xeres y obligaciones del cargu, si ye cargu electu dientru los muérganos de direcció del Partíu, en cualuquiera de les sos estayes.
- f) Cumplir col compromisu programáticu y de representación del Partíu en cualuquiera de los cargos públicos pa los que resultare escoyíu.
- g) Nel casu los cargos públicos, tendrán amás la obligación d'agabitar al caltenimientu económicu del Partíu, apurriendo un porcentaxe de les percepciones que se devenguen pol exerciciu de dichu cargu. La cuantía y modalidaes de la mampurra al Partíu estableceráse pola Xunta Nacional, d'acuerdu colu dispuesto nestos Estatutos.

La mesma obligación tendran los funcionarios y emplegaos del Partíu, na cuantía y modalidaes aprobaes pola Xunta Nacional.

Art. 6. Abriráse espediente sancionador a quien contraviniere o incumpliere les obligaciones del artículu quintu, o cayere en dalguna de les causes de sanción establecíes nestos Estatutos. Nel casu d'impagu cuotes, la Executiva Nacional podrá dar la baxa alministrativa ensin necesidá d'espeditente sancionador.

L'espeditente sancionador puede ser individual o colectivuu. Podrá ser colectivuu nos casos nos que'l frayamientu responsabilidá cincare a toa una agrupación o a les sos instituciones de direcció y representación. Cuando afectare a la Executiva l'Agrupación, la Executiva Nacional podrá suspendela cautelaramente nes sos funciones.

Nos casos d'espeditente colectivuu, podrán abrise espeditentes individuales cuando asina lo pidieren los interesaos o paeciese que determinaes conductes o actos podríen sigularizase o escluisse del espeditente colectivuu.

Art. 7. L'espeditente sancionador podrá entamálu cualuquier muérganu colexáu del Partíu, d'oficiu o a solicitú d'un afiliáu, fecha per escritu con esposición de causa. El muérganu competente pa resolver l'espeditente sancionador ye'l Tribunal del Partíu, que deberá pronunciase, expresa y razonadamente, nun plazu non superior a tres meses dende que-y aportare l'escritu aniciador.

TITULU SEGUNDU: DE LA CADARMA TERRITORIAL

Art. 8. 1. El Partíu Asturianista encadarmase territorialmente n'Agrupaciones. L'Agrupación tien como ámbitu territorial mínimu'l correspondiente a un conceyu. Podran xunise, a efectos de constituir una Agrupación, los territorios de dos o más conceyos averaos ente sí.

2. La Executiva Nacional del Partíu ye'l muérganu competente p'aprobar la constitución de nueves agrupaciones, dando cuenta a la Xunta Nacional.

Art. 9. El númeru mínimu pa constituir una Agrupación ye de cinco militantes.

Los militantes que residan temporal o permanentemente fuera d'Asturies podrán formar agrupaciones nos sos llugares de residencia. Estes agrupaciones, xunto colos militantes aisllaos, encadarmaránse como Unidá Orgánica Exterior, que se relacionará directamente cola Executiva Nacional.

Art. 10. Los muérganos de l'Agrupación son:

- el Conceyu l'Agrupación,
- la Executiva l'Agrupación.

Les agrupaciones del Partíu con más de doscientos militantes podrán celebrar congresos pa escoyer la Executiva l'Agrupación, aprobar programes electorales y propuestas d'actuación o formar y proponer candidatures. La celebración del Congresu sedrá propuesta pola Executiva l'Agrupación y aprobada en Conceyu Xeneral de la mesma. El Congresu rexiráse pol Reglamentu Congresos del Partíu, no que fuere aplicable; les duldes o llagunes sedrán resueltas pola Executiva Nacional.

Art. 11. El conceyu l'Agrupación fórmenlu tolos militantes. Aconceyaráse, con calter ordinariu, una vegada al trimestre, y estraordinariamente cuando lu convoquen la Executiva l'Agrupación o la Executiva Nacional.

Art. 12. La convocatoria, fecha pel procedimientu que s'atope más afayadizu pa que d'ella entren en conocimientu tolos militantes de l'Agrupación, precederá polo menos en siete díes a la fecha celebración, y asoleyará los asuntos a tratar. Los conceyos ordinarios inxerirán, necesariamente, los siguientes puntos:

- Relación d'altos y baxes.

- Información sobre les sesiones de los muérganos de representación de les agrupaciones.
- Entrugues y propuestas.

Art. 13. Los militantes podrán solicitar a la Executiva l'Agrupación la convocatoria d'un conceyu estraordinariu. La solicitd requier la firma de la metada más ún de los afiliaos, nos casos en que l'Agrupación tenga menos de quince afiliaos. Nel casu de que fuere mayor, requerirá la firma d'un terciu los militantes y, en tou casu, un número superior a diez. Los firmantes deberán tar al día nes cotizaciones correspondientes al mes inmediatamente anterior al de la fecha la pitición.

La pitición propondrá un Orden del Día pal conceyu estraordinariu, que podrá ser ampliáu pola Executiva l'Agrupación o, nel so casu, pola Executiva Nacional.

La Executiva l'Agrupación tien la obligación de convocar el conceyu estraordinariu nel plazu máximu de dos meses, a partir de la entrega la solicitú. Pasaos los dos meses ensin que fuere convocáu, los solicitantes podrán reiterar el petite delante la Executiva Nacional; nesti casu, el plazu convocatoria correrá dende que se recibiere la pitición.

Art. 14. Nes agrupaciones constituiráse una Executiva l'Agrupación compuesta por tres miembros, salvu que'l propiu Conceyu alcuerde otru número, definiendo, nel so casu, les funciones de los puestos que se creen. El mandatu la Executiva durará cuatro años.

La Executiva l'Agrupación escoyeráse en Conceyu Estraordinariu convocáu a esi solu efectú con, como mínimu, quince díes d'antelación. La votación será secreta.

La Executiva l'Agrupación aconceyaráse como mínimu una vegada al mes, convocada pol Secretariu Xeneral con tres díes, al menos, d'antelación. La convocatoria propondrá l'Orden del Día, que podrá ser ampliáu, una vez aconceyada, a propuesta de cualquier de los sos integrantes. Los alcuerdos tomaránse por mayoría simple. El quórum necesariu pa constituise válidamente será de la metada más ún de los sos componentes.

Art. 15. 1. La convocatoria de conceyu estraordinariu pa renovar la Executiva l'Agrupación deberá ser comunicada a la Executiva Nacional. La convocatoria inxertará los plazos y procedimientos pa la presentación de candidatures; les candidatures serán cerraes.

Recibida pola Executiva Nacional la comunicación a que se refier l'apartáu anterior, el Secretariu Finances certificará la relación de los afiliaos que tean al día nel pagu cuotes nel mes inmediatamente anterior al de la fecha la convocatoria; esta llista asoleyaráse, por plazu mínimu de tres díes, na sede l'agrupación o, de non habela, na sede central del Partíu. Les reclamaciones sobre inxertamientos o exclusiones na llista d'afiliaos al corriente pagu podrán presentase directamente al Secretariu Finances del Partíu, hasta les 22 hores del tercer día inmediatamente anterior a la fecha del conceyu estraordinariu, salvu que fuere sabadu o festivu, en cuyo casu'l plazu prorrogarás al siguiente día hábil.

Art. 16. La Executiva entrante remitirá a la Executiva Nacional copia del Acta del conceyu estraordinariu, colos resultaos de la votación y los datos de los candidatos escoyíos. Cuando l'Agrupación fuere incapaz de constituir una Executiva, o la qu'hubiere quedare suspendida o inhabilitada, la Executiva Nacional nomará, provisionalmente, una Xestora, dando cuenta d'ello a la Xunta Nacional.

El procesu pa constituir nueva Executiva l'Agrupación será empobináu, nesti casu, pola Executiva Nacional.

Art. 17. Los cargos de la Executiva l'Agrupación son:

- Secretariu Xeneral.
- Secretariu d'Organización.
- Secretariu de Relaciones Institucionales.

Art. 18. Son funciones de la Executiva l'Agrupación, amás de les asoleyaes n'otros artículos d'estos Estatutos:

- a) Informar a los afiliaos y al Conceyu l'Agrupación de cuanto cincare l'actividá o los oxetivos del Partíu.
- b) Treslladar esta mesma información a los muérganos nacionales.
- c) Representar al Partíu nel ámbitu'l conceyu.
- d) Proponer a l'asamblea y a los muérganos nacionales cuantes ideas o actividaes pudieren servir de sofitu pal algame los fines del Partíu.
- e) Treslladar les propuestas que nel mesmu se-y aporten.
- f) Xixilar el puntual pagu les cuotes.

TÍTULU TERCERU: DEL CONGRESU'L PARTÍU

Art. 19. El Congresu ye l'órganu máximu del Partíu. Celebrarásese cada cuatro años y nél tarán representaes, en proporción al númberu militantes, toles agrupaciones constituíes.

Si, por cualaquiera razón, el Congresu debiera retrasase más de seis meses, o la Executiva Nacional estimare conveniente que fuera asina por razones de frasca xustificada, deberá plantealo delante la Xunta Nacional; l'alcuertu pa retrasar el Congresu adoptarálalu la Xunta Nacional por mayoría simple. L'aprobación arreyará la fecha tope de la suspensión o la fecha definitiva del Congresu.

Art. 20. El númberu de congresistes, asina como los índices de proporcionalidá, fixarálolos la Xunta Nacional na convocatoria'l Congresu Ordinariu, fecha con, polo menos, tres meses d'antelación a la fecha d'aniciu.

Art. 21. Los congresistes escoyerálolos el Conceyu l'Agrupación, pol sistema mayoritariu, en llistes abiertes, pudiendo votar cada afiliáu por, como máximu, un númberu candidatos igual al 75 % los puestos a cubrir. La votación será, en tou casu, secreta. Cuando'l 75 % los puestos nun fuere númberu enteru, iguarásese por defectu.

Art. 22. La Xunta Nacional fixará, na convocatoria, l'Orden del Día, qu'inxerirá, en tou casu, Rindición de Cuentas y Xestión de la Executiva y renovación de la mesma.

Art. 23. El Reglamentu'l Congresu aperiáralu y aprobarálalu la Xunta Nacional, faciéndolu llegar a les agrupaciones con un mes d'antelación como mínimo a la fecha celebración del Congresu. Na primer sesión del Congresu constituirásese una mesa antigüedá, escoyéndose más tarde la mesa definitiva.

Art. 24. Los proyectos de Ponencia aperiáralos y aprobarálolos la Xunta Nacional.

Darréu, empobinarásese a les agrupaciones pa conocimientu y presentación d'enmiendes, tanto individuales como d'agrupación. El plazu presentación d'enmiendes nun sedrá inferior a un mes. Les enmiendes que seyan sustancialmente iguales podrán ser amestaes nuna sola.

Art. 25. El Congresu será l'únicu muérganu competente pa decidir nes siguientes cuestiones:

- a) Camudamientu los Estatutos.
- b) Elección de la Executiva Nacional y del Tribunal del Partíu.
- c) Definición ideolóxica y afitamientu principios.
- d) Cualaquiera otra que, como tal, establezan estos Estatutos.

Art. 26. Les cuestiones reservaes al Congresu decidirásese por mayoría absoluta de los sos miembros, salvu l'alcuertu disolución, que precisará del votu favorable de 4/5 de los delegaos. La mayoría necesaria pa l'aprobación d'otros asuntos establecerá'l Reglamentu'l Congresu.

Art. 27. La Xunta Nacional podrá convocar Congresu Estraordinariu mediante alcuertu aprobáu pola metada más ún de los sos miembros. L'alcuertu señalará l'orden del día 'l Congresu, la fecha y el Reglamentu de funcionamientu'l mesmu.

Art. 28. L'orden del día del Congresu Estraordinariu será incamudable, pero'l propiu Congresu podrá autoconvocase como Ordinariu, dexando ente la convocatoria y la fecha celebración tres meses como mínimo.

TÍTULO CUARTU: DE LOS MUÉRGANOS NACIONALES DEL PARTÍU

Art. 29. Los muérganos nacionales del Partíu Asturianista son:

- La Xunta Nacional
- La Executiva Nacional
- El Tribunal del Partíu.

Art. 30. La Xunta Nacional ye l'órganu de representación permanente, máximu ente congresos, de les agrupaciones y los militantes del Partíu.

Art. 31. La Xunta Nacional ta compuesta por:

- la Executiva Nacional
- el Secretariu Xeneral de caúna de les agrupaciones del Partíu,
- los representantes escoyíos poles agrupaciones en proporción al númberu los sos afiliaos,
- los miembros del Gobiernu y los portavoces parlamentarios, con voz y ensin votu.

A propuesta la Executiva Nacional podrán asistir a les sesiones de la Xunta Nacional, con voz y ensin votu, cargos públicos o de representación, representantes de conceyos ensin agrupación constituida y otros militantes cuya presencia se talante valoratible.

Art. 32. La Xunta Nacional convócala la Executiva Nacional. Aconceyarásese trimestralmente con calter ordinariu, y estraordinariamente cuando lo alcuerte la Executiva Nacional o lo solicite un terciu los miembros de la Xunta Nacional con drechu a votu.

La convocatoria propondrá l'Orden del Día, que podrá ser ampliáu, una vez aconceyada, a propuesta de un terciu de los sos integrantes. Los alcuerdos tomarásese por mayoría simple. El quórum necesariu pa

constituise válidamente será de la metade más ún de los sos componentes.

Art. 33. Los representantes de les agrupaciones na Xunta Nacional nun tan sometíos a mandatu imperativu, salvu que'l Conceyu l'Agrupación asina lo alcuerde respectu a asuntos que cinquen específicamente al so Conceyu o a los referíos nos artículos 60 y 61 d'estos Estatutos.

Art. 34. Son funciones de la Xunta Nacional:

- a) Convocar el Congresu Ordinariu del Partíu.
- b) Aprobar los programas electorales y de gobiernu.
- c) Elaborar o aprobar les candidatures del Partíu a les elecciones parlamentaries y municipales, d'alcuerdu colo expresao nel Títulu Sestu d'estos Estatutos.
- d) Cubrir les baxes na Executiva Nacional y nel Tribunal del Partíu.
- e) Establecer, d'alcuerdu col informe la Executiva Nacional, les cuotes de los militantes.
- f) Escoyer d'ente los sos miembros un Comité d'Apelaciones, formáu por cinco persones.
- g) Aperiar y aprobar el Reglamentu'l Congresu y los proyectos de Ponencia.
- h) Nomar d'ente los sos integrantes, excluidos los que formen parte de la Executiva Nacional, un comité que exercerá les funciones de Muérganu de Defensa de los drechos del afiliáu.
- i) Interpretar los Estatutos del Partíu.
- j) Toles otre afitae nestos Estatutos.

Art. 35. La Xunta Nacional funcionará en Plenu y en Comisiones. Les Comisiones tarán mandataes pa perfacer, acomuñaes cola Executiva Nacional, programes o propuestes, que sedrán debatíes y aprobaes pol Plenu.

Art. 36. La Executiva Nacional ye'l muérganu de representación y dirección del Partíu; lleva a cabu la política definía por Congresu y aprobada pola Xunta Nacional; alministra los bienes del Partíu; lleva les relaciones coles instituciones y les fuerces polítiques y sociales; encadarma'l llabor de les agrupaciones y los militantes; elabora, d'alcuerdu colos cargos públicos, la estratexa del Partíu nes cámares llexislatives y los ayuntamientos; executa los alcuerdos de los muérganos deliberantes del Partíu y los mandatos que –y arrecostinen estos Estatutos.

Art. 37. La Executiva Nacional ta formada por:

- Un Presidente
- Un Secretariu Xeneral
- Un Secretariu Finances
- El númberu de secretarios d'aria y vocales que s'establezan en cada Congresu.

La Executiva Nacional podrá facer un Reglamentu de funcionamientu internu, señalando funciones y responsabilidaes pa cada componente, asina como otre normes de funcionamientu. D'esti Reglamentu darás cuenta a la Xunta Nacional.

Art. 38. La Executiva Nacional escoyeráse nel Congresu pol sistema mayoritariu en llistes cerraes. El númberu candidatos presentaos na llista ganadora, asina como los cargos atribuidos, determinará la composición de la Executiva Nacional. En tou casu, inxertarán un candidatu a Presidente y otru a Secretariu Xeneral. La votación será secreta.

Art. 39. Les baxes producíes con posterioridá al Congresu na Executiva Nacional cubriráles la Xunta Nacional, salvu que dimitiesen la metade más ún de los miembros escoyíos nel Congresu, o'l Presidente, en cuyo casu la Xunta Nacional convocará Congresu Estraordinariu pa escoyer nueva Executiva.

Art. 40. El Presidente coordina y afala'l llabor de la Executiva; tien la representación política del Partíu y ye'l so portavoz más autorizáu.

El Secretariu Xeneral caltién la coordinación de la Executiva Nacional, acostina colos asuntos que-y delegue'l presidente y sustitúyelu nos casos d'ausencia o enfermedá.

El Secretariu Finances controla la tesorería del Partíu y xixila'l pagu les cuotes.

Art. 41. Les deliberaciones de la Executiva Nacional son secretes, salvu alcuerdu espresu en contrariu tomáu por mayoría absoluta los sos miembros.

La Executiva Nacional aconceyarás como mínimo una vegada al mes, convocada pol Secretariu Xeneral con tres díes, al menos, d'antelación. La convocatoria propondrá l'Orden del Día, que podrá ser ampliáu, una vez aconceyada, a propuesta de cualquier de los sos integrantes. Los alcuerdos tomaránse por mayoría simple. El quórum necesariu pa constituise válidamente será de la metade más ún de los sos componentes.

Art. 42. La Executiva actúa colexadamente, pero caún responderá personalmente de l'actividá desendolcada nes estayes de trabayu que tuviere encomendaes.

Art. 43. Los miembros de la Executiva Nacional cesen nes sos funciones:

- a) Por pruyimientu propiu.
- b) Por perda la so condición de militante.
- c) Por perda la confianza política la propia Executiva o la Xunta Nacional.

Ha entendese perdida la confianza política cuando, depués d'una moción nesi sen presentada pola Executiva Nacional, la Xunta Nacional aprobare por mayoría, y en votación secreta, la moción presentada so un de los miembros de la Executiva.

TÍTULO QUINTU: DE LOS ESPEDIENTES SANCIONAORES

Art. 44. El Tribunal del Partíu ye'l muérganu competente p'aperiar, informar y resolver los espedienles de sanción a los militantes, ensin perxuiciu la posibilidá d'apelaciones delante la Xunta Nacional. El Tribunal del Partíu fórmenlu cinco militantes escoyíos nel Congresu'l Partíu, cola mesma fórmula que la emplegada pa la escoyeta la Executiva Nacional. Les baxes ente Congresos cubriráles la Xunta Nacional.

Art. 45. L'alcuertu solicitando l'apertura l'espediente xuntu col escritu de denuncia, remitirás a la Executiva Nacional, que lu treslladará al presidente del Tribunal; nel escritu de treslláu nomarás un Secretariu Instructor, encargáu de la documentación del espediente y d'afalar la so tramitación, qu'asistirá con voz y ensin votu a les sesiones del Tribunal.

Art. 46. L'espediente sancionador entamarás col escritu de denuncia, y deberá tar termináu dientro los tres meses siguientes; al escritu arreyaránse los testimonios, pruebas y evidencies que'l Tribunal talante convenientes y, d'existir, l'escritu de descargu del denunciáu; el plazu pa presentar l'escritu de descargu sedrá como mínimo de siete díes. Nel propiu espediente deberá quedar acreditao que'l pliegu cargos fue comunicáu al espedientáu, asina como testimoniu suficiente de les dilixencies averiguatories feches pol Tribunal y el so resultáu.

El Tribunal resolverá, a propuesta del Secretariu Instructor y na primer sesión que tuviere, si procede o non la suspensión cautelar de drechos del espedientáu.

En tou casu, el Tribunal acordará la suspensión cautelar de la afiliación de los afiliaos incursos en un procesu penal respectu de los cuales haxa dictaose autu d'apertura de xuiciu oral por un delitu relacionáu cola corrupción.

Art. 47. Nel casu de que la Executiva Nacional o la Xunta Nacional talantasen que, nos casos despediente colectivu a toa o parte d'una Agrupación, a la so Executiva, o individualmente al secretariu xeneral de la mesma, el funcionamientu normal de l'Agrupación fuere perdificultosu o imposible, podrán nomar una Comisión Xestora de l'Agrupación, con independencia les midíes cautelares qu'adopte'l propiu Tribunal.

La Comisión Xestora, formada por un número de persones que s'estime afayadizu y per tiempu determináu, sedrá nomada pola Executiva Nacional, y deberá caltener el funcionamientu ordinariu l'Agrupación hasta tantu se resuelvan los espedientes o se convoquen nueves elecciones na Agrupación.

Art. 48. La resolución del Tribunal sedrá d'una d'estes menes:

- a) Sobreseimientu.
- b) Suspensión de drechos durante'l tiempu qu'estableza'l Tribunal.
- c) Inhabilitación pa ser candidatu nes llistes electorales.
- d) Inhabilitación pa ocupar cargos internos.
- e) Espulsión del Partíu.

Estés sanciones puen ser acumulables.

En tou casu, el Tribunal acordará la expulsión del partíu d'aquellos que fueren condenaos por un delitu relacionáu cola corrupción.

Art. 49. Nel casu de que l'espediente fuere colectivu, les resoluciones podrán ser:

- a) Sobreseimientu.
- b) Alvertencia d'atención.
- c) Suspensión de toa o parte l'Agrupación.
- d) Espulsión del Partíu.

Art. 50. Les resoluciones del Tribunal podrán recurrirse nel plazu de siete díes dende que fueren notificaes, mediante escritu empobináu al propiu Tribunal. Nel escritu de retolique asoleyaránse les alegaciones que'l retolicante talante afayadices, ensin qu'haiga llugar a otra manifestación de parte.

d) **Art. 51.** L'escritu retolicante amestaráse al expediente sancionador, empobinándose darréu tou ello, al través de la Executiva Nacional, al Comité d'Apelaciones de la Xunta Nacional.

Art. 52. El Comité d'Apelaciones propondrá a la Xunta Nacional una resolución, que se someterá a votación nel primer conceyu que se celebre dende que terminare'l so informe.

Art. 53. Sedrán causes de sanción:

- a) El descréditu públicu, ufiensa o menospreciu al Partíu o a los sos muérganos.
- b) L'abierta rebeldía escontra les decisiones aprobaes polos muérganos del Partíu.
- c) Manifestase pública o privadamente contra la ideoloxía'l Partíu aprobada nes resoluciones del Congresu.
- d) Apropiase de bienes del Partíu.
- e) Engafentar dolosamente les relaciones personales ente militantes, o atentar contra l'honor o buena fama los mesmos.
- f) Dexar de pagar les cotizaciones durante seis meses ensin causa xustificada. Nel casu los cargos públicos, sedrá asina mesmo causa de sanción la falta pagu les gabites a que tuvieren obligaos.
- g) Incumplir, una y otra vegaes y a les clares, la so obligación de colaborar nes xeres y llabores del Partíu, señalaes nel artículu 5. c).
- h) Incumplir coles obligaciones de cargu electu, en cualaquiera de les estayes posibles: Agrupación, Xunta Nacional, Executiva Nacional o cargu de representación institucional.

Les causes de sanción pueden ser individuales o colectives.

TÍTULO SEXTO: DE LES FINANCES Y L'ALMINISTRACIÓN

Art. 54. Los militantes sofitarán les actividaes del Partíu col pagu d'una cuota mensual. La cuantía la mesma establecerá la Xunta Nacional a propuesta la Executiva Nacional. El cuadru de cotización tendrá en cuenta les posibles situaciones económicques del militante. La Executiva l'Agrupación podrá eximir del pagu la cuota por causes xustificaes.

Art. 55. El Partíu Asturianista, como organismu unitariu, tien un patrimoniu únicu y una alministración centralizada.

En dengún casu s'emplegarán cuentas bancaries personales pal cobru cuotes, o'l depósitu o alministración los fondos del Partíu. El presidente'l Partíu podrá delegar facultaes d'estricta alministración y disposición de fondos nos tesoreros de les agrupaciones.

Art. 56. La Executiva Nacional aperiará anualmente'l presupuestu'l Partíu, que sedrá aprobáu pola Xunta Nacional. Nel tarán recoyíos los ingresos y gastos ordinarios de caltenimientu les sedes del Partíu, asina como les dotaciones a les agrupaciones pa les sos actividaes, ensin perxuiciu de disponer partíes estraordinaries cuando fuere necesario.

La Executiva Nacional aprobará dientru los tres primeros meses del añu, d'alcuertu cola llexilación vixente, les cuentas del exerciciu precedente, que serán remitíes al Tribunal de Cuentas.

Art. 57. Enantes de cada Congresu Ordinariu del Partíu, el Secretariu Finances presentará delante la Xunta Nacional un informe sobre la tesorería y el balance económicu del Partíu.

Art. 58. Los cargos electos y de representación, asina como los funcionarios y empleaos del Partíu, agabitarán les finances del mesmu con un porcentaxe de los ingresos que devenguen como tales cargos, funcionarios o empleaos.

Asina mesmu, les agrupaciones, grupos de conceyales y grupos parlamentarios, tendrán la obligacion de tresferir al Partíu los ingresos que desurdan de la representación colectiva nes instituciones conceyiles y parlamentaries.

Art. 59. La Xunta Nacional establecerá, d'alcuertu cola Executiva Nacional, les modalidaes y fórmules d'una y otra collaboraciones financieras. En tou casu, la Executiva Nacional estudiará con caún de los cargos y empleaos la so propia condición económica, p'adequar l'agabitamientu financieru a cada circunstancia particular.

Art. 60. La Executiva Nacional del Partíu ostenta la plena representación llegal del mesmu, tantu pa la realización d'actos civiles o mercantiles como alministrativos, teniendo la facultá de representalu en xuiciu y fuera d'él.

La Executiva Nacional podrá delegar, mediante l'otorgamientu los correspondientes poderes, l'exerciciu de

toes o dalguna de les facultaes que llegalmente-y correspuenden, tantu en persones pertenecientes a la propia Executiva como en persones ayenes a ella. Los poderes caducarán, salvu confirmación expresa, inmediateamente dempués de la renovación cuatruañal de la Executiva prevista nel art. 40.

El responsable económicu-financieru del Partíu será nombráu pola Executiva Nacional.

TÍTULU SÉPTIMU: DE LA FORMACIÓN DE CANDIDATURES

Art. 61. Les candidatures del Partíu nes convocatories electorales aprobaráles la Xunta Nacional.

Los candidatos al Congresu y al Senáu, asina como al Parlatu Européu, escoyerálos la Xunta Nacional, considerando los criterios remanaos nes agrupaciones y les propuestes de la Executiva Nacional.

Art. 62. Los candidatos a la Xunta Xeneral del Principáu escoyerálos la Xunta Nacional d'ente los nomes presentaos poles agrupaciones y la Executiva Nacional, teniendo en cuenta'l sofitu algamáu por caún. Les agrupaciones podrán aprobar el mandatu imperativu a los sos representantes respectu la votación del cabezaleru de llista pola so circunscripción, siempre que fuere aprobáu pola mayoría absoluta del Conceyu.

Art. 63. Los candidatos municipales en cada conceyu propondrállos el Conceyu l'Agrupación correspondiente, ratificándolos la Xunta Nacional.

Cuando nun tuviere constituida Agrupación, la Executiva Nacional propondrá la candidatura, consultando endenantos colos militantes qu'hubiera nel conceyu.

Si la Executiva Nacional punxere pilancos al cabeza llista presentáu pola Agrupación, tendrá ésta que reafitase o proponer unu nuevu. De reafitase, sedrá la Xunta Nacional la qu'escueya ente'l propuestu pola Agrupación y, nel so casu, el propuestu pola Executiva Nacional.

TÍTULU OCTAVU: DE LES RELACIONES ENTE 'L PARTÍU Y LOS CARGOS PÚBLICOS

Art. 64. Los diputaos y conceyaes del Partíu programarán y executarán los trabayos parlamentarios y conceyiles acomuñaos cola Executiva Nacional, nel marcu la política aprobada pola Xunta Nacional y les resoluciones del Congresu.

La Executiva nacional, xuntu col restu los muérganos y militantes del Partíu, sofitarán l'actividá de los cargos públicos nes instituciones.

Art. 65. La disciplina votu ye obligatoria pa tolos cargos públicos. Nostante, la Xunta Nacional podrá facer una llista los asuntos nos que, en virtú de la materia y por razones de llibertá de concencia, los cargos públicos quedarán dispensaos de la disciplina votu.

Art. 66. Los cargos públicos informarán a los muérganos del Partíu sobre los debates, comunicaciones y propuestes de que tengan conocimientu; llevarán a cabu, asina mesmu, les iniciatives parlamentaries o conceyiles, o d'otra mena, que remanezan daquellos.

TÍTULU NOVENU: DE LA LINGUA 'L PARTÍU

Art. 67. La llingua oficial del Partíu ye l'asturiano, habiendo redactase nella toles actes y documentos oficiales de calter internu. Los militantes tienen el drechu d'espresase n'asturiano o castellano, ensin que puean sufrir por ello dala discriminación. El Partíu afalará ente los militantes la conocencia, usu y dominiu del asturiano.

Esternamente, el Partíu manifestaráse n'asturiano o castellano según les circunstancies, destinatarios o conveniencias.